

[Augsburg], 8. Dezember 1560

An Joachim Camerarius d. Ä.

BSB, Clm 10370, Nr. 238.

Clarissimo viro, D. Ioachimo Camerario etc. Domino et amico suo colendo. Leipzig.  
 S. Evidem ἐπικήδειον abs te non ἐπιθαλάμιον expectabam. Sed priuatum tibi gaudium in publico doctorum et bonorum luctu ex animo gratulor μακαρίζων σὲ τῆς εὐπαιδίας, cum et filij in officio sint, et puellae honestis et eruditis viris collocentur. Ego me ἄγαμόν τ' ἀγονόν τ' ἀπολέσθαι, μικροψυχίαν ἐμαυτῷ πολλὴν συνειδώς, facilè patior. Illud autem molestè fero, quod perpetua valetudinis imbecillitas, μάλιστα δ' ἀμβλυωπία Musarum quoque et diu magnisqüe sumtibus conquisitae Bibliothecae solatia, magna ex parte mihi adimit. Vxorem, vt scis, nunquam habui, sed nescio quae me irata Iuno

εὕει ὅτερ δαλοῦ καὶ ώμῷ γήραϊ δῶκε.

Τοιγαροῦν μόγις ἐμαυτὸν κατέχω ἐνίοτε τοῦ μὴ εἰς τὴν θεοφράστειον μεμψιμοιρίαν ἔξοκεῖλαι, ἐν ἀκμῇ σχεδὸν τῆς ἡλικίας ὥωρόν τε γῆρας καὶ τὸν οὐ πόρρω ἀφεστῶτα θάνατον προορῶν. Nec me in hoc tam astrorum praestigia, complura illa quidem nec obscura mouent, quam propiora et euidentiora signa, ἀπεψία, δύσπνοια, ἀλγηδόνες συνεχεῖς περὶ τὸ ἥπαρ, καὶ τὸ μηδὲ τοῦλάχιστον καρτερεῖν δυνάμενον σωμάτιον, ἀλλ' οὕτω πως μέλλε φίλον κρονίων γενέσθαι. Quare tuo prudentissimo consilio parentes φέρωμεν ὅ, τι ἀν ὁ θεός διδῷ, γενναίως.

Literae tuae prandenti mihi redditae sunt, et scriptas ad filium D. Huldrichus vlt̄ò curandas suscepit. Vtinam verò aliquid auri adiungeret. Quod vt faceret, Cyprianus noster, qui mihi nunc contubernalis est, pro audacia sua et gratia apud magnates flagitauit, an verò efflagitarit nescio. In praesentia quidem iocis exagitata fuit minor illius quam vlliū epistolae verecundia. Is verò contrà in ἀτολμίᾳ meam in commendandis et iuuandis amicis penè seriò est inuestus. Cos. Heinzelius vnā cum D. Moibano et Cypriano peramanter et officiosè te resultat, et monere te iussit, de libro quodam Bibliothecae Augustanae restituendo. se enim ἔξηκουόσης τῆς προθεσμίας vt sponsorem a Bibliothecario fuisse appellatum.

Conturbationes mercatorum notae opinor tibi sunt. Scilicet in vulgus manant exempla potentum. Neque Gallus neque Hispanus, neque Lusitanus iniquissimis vsuris oppressi, fidem seruant. Galli tumultuantur adhuc ob et religionem et Guisianam tyrannidem. Ad 10 huius mensis procerum regni concilium Aureliae indictum esse scribunt. Moliri dicitur et pontifex concilium. Dux Wirtebergicus et Badensis Christophorus: Comites item Oetingenses et Schertelius in armis fuerunt ob praedia quaedam. Sed intercesserunt principes nonnulli autoritate Caesarea. Seruatur igitur pax ὑπουρος haud scio quam diu. Ego patriae meae excidium vereor, διὰ τὸν ἀγήνορα μὲν θυμὸν, ἀτυχῆ δὲ γένεσιν Comitis Ludouici, mei et meorum amantissimi patroni. Ego monendo nihil profeci, λοιπὸν οὖν ἐστὶν εὔχεσθαι, vt quam leuissima paena discedat. Id enim consilij caepisse videtur, quod vereor vt explicare possit. Magni motus impendere videntur, ac nescio quid Nostradamus Gallus, cuius multa extant δι' αἰνιγμάτων προγνωστικὰ κατορθώματα, innuat, qui suo Calendario praeponuit δίστιχον illud ἐλπίς καὶ τύχη μέγα χαίρετε. Meministi reliqua. Cyprianus noster μάντις κακῶν ἐστὶ πολλῶν, quae Deus vt auerteret, non tantum ignavis votis, sed etiam correctione vitae erat orandus. Vale. 6 Idus Decembris. 1560.

Hiero[nymus] Wolfius  
Tuus.

Sunt qui Moscouitas eos esse putent, qui Graecis μασσαγέται dicantur. Mihi verò ἡ χωρογραφία dissentire videtur. Iudicium tuum expecto. Vtinam verò isti, quicunque dicti olim fuerint, à Septentrione non grauiora nobis minitarentur, quam ab Oriente Turci, a Meridie Pontificij, qui quidem οὐδ' ἔσθλ' ἀγορευόμενοι κάκ' ἐνὶ φρεσὶ βυσσοδομεύειν videntur, quorum è numero Salisburgensis nuper in venatu aprorum apud Bauarum subitò est extinctus εἰπὼν ὃς φασι πόλλα ἄπερ οὐ τετελέσθαι ἔμελλεν.